

漢石例卷五

雜例

表界域例

洛陽縣碑洛陽北界 水經注河水五載此碑云河南岸有一碑北面題云云

靈邱縣碑冀州北界 水經注澠水篇高氏山上有石銘題言云云

汝水石柱河南界 水經注汝水篇載此碑云三屯谷水出南山北流逕石相對既無年月竟不知何代所表也

右三石雖未的知漢代所立洪氏采人隸釋蓋以為漢刻也從之

表鄉聚例

臨淄碑梧臺里 水經注淄水篇系水又北逕臨淄城西門北而西流逕梧臺宮南其地名梧臺里西有石柱碑漢熹平五年立其題云

表宮殿例

漢石例卷之五

淮南厲王殿石中殿第廿八 阮大傳掣經室集

掣經室集甘泉山獲石記云甘泉山惠照寺階下四石其文字在篆隸之間其一石可辨者中殿第廿八凡五字又一石第百卅三字其二石

未能辨江鄭堂曰此漢淮南厲王胥冢上石也余按揚州甘泉山舊志

皆以為漢厲王冢沈約宋書樂志陳思王樂歌云中殿宜皇子然則皇

子所居可稱中殿 案漢代王公墓上皆有寢廟此必寢廟中殿石 漢哀帝紀義陵民冢不妨殿中者勿發如涪曰陵上有宮墻象生制度為殿屋故曰殿中師古曰此說非也殿中謂壙中象正殿處案史無稱壙中為殿中者蓋然宮殿標識亦同故特為此例


表陂池例

魯孝王石刻五鳳二年魯卅四年六月四日成 金石文

高氏德裔 金 記曰魯靈光殿基西南卅步曰太子鈞魚池蓋劉餘以景

帝子封魯故土俗以太子呼之明昌二年詔修孔聖廟匠者取池石以

寶應劉寶楠錄



充用土中偶得此石側有文曰五鳳二年者宣帝時號也又曰魯卅四

年六月四日成者以漢書考之乃餘孫孝王之時也金石文字記曰上年而下書諸侯王自有其國之年此漢人之例也王氏對竹雲題跋

日德齋題記以此書為石朱竹垞曝書亭集則云五鳳二年塚冢交今雖模糊然斷是隸不是篆案表界域者書方面表鄉聚者書里名表宮

竹垞竟目為篆皆不可曉

殿者書工作表陂池者書年月此例之簡而質者也然亦有宜詳者表

界域則兼及鄰邑隸續南安長王君平鄉道碑維平鄉明高大道北與

平縣界有漢熹平四年幽冀二州以戊子詔書造冀州而詳載諸書及

從事張頤郡縣分境立石標界具揭石文案此標界域而詳載諸書及

分境無以知其體例表鄉聚則兼及人文太山山下有廟漢末縣士

居其中刺史二千石卿長數十人朱軒華蓋同會於廟下荆州刺史行

部見之推歎其盛號為冠蓋里而刻石岳烈此碑於永嘉中始為人

後又君子尚生惟此君子作漢之英德為龍光聲化歸鳴表宮殿則兼

及受命之由蔡中郎集光武濟陽宮碑惟漢再受命曰世祖光武皇帝

生考以舍下濕開宮後殿居之建平元年十二月甲子夜帝封閉帝將

赤光室中皆明使卜者王長卜之長曰此善事不可言歲有嘉禾一莖

漢石例卷之五

生九穗長於此禾因為尊諱王室中徵袁平短祚姦臣王莽偷有神器

表有八年罪成惡熟天人致誅帝乃龍見白水滿輝昆上云云又案

云承累流裔襲唐末風寸木尺土無俟斯亭是也表陂池則兼及灌

溉之利水別流汝水篇後息縣青陂碑稱青陂在縣南地源起柯柏淮

又河水四渠水又南逕高門原南又東南逕華池南池在夏陽城西北

故司馬廟碑文云高門華池在茲夏陽渠水又東南逕文遂建石臺北

墓前馬廟廟前有碑永嘉四年漢陽所立碑碑以表遷墓非以表川

碑樹柏案上文司馬遷碑即下文殷濟所立碑碑以表遷墓非以表川

原故詳畧各宜作者權題以立例可也

不錄為宮殿立碑叙立碑人爵里姓名例

光武濟陽宮碑小臣河南尹鞏璋顧見神宮追惟桑梓褒述之義用敢作

頌蔡中為古墓立碑叙立碑人爵里姓名例

王子喬碑相國東萊王章字伯義乃會長史邊乾訪及士隸遂樹元石紀

遺烈蔡中

書修學校年月工程例

太學碑建武二十七年造太學年積毀壞永建六年九月詔書修太學刻石記年用工作徒十一萬二千人陽嘉九年八月作畢水經注穀水篇

書修祠宇年月工程例

梁相孔耽神祠碑其內洞房四通外則長廡功賦合出卅萬呂光和五年歲在壬戌夏六月訖釋

書修隄堰爵里姓名年月工程例

滎口石門碑惟陽嘉三年二月丁丑使河隄謁者王誨疏達河川述荒庶土明譚元春校曰述疑作遂按述遂通用下稱遂休功是也云大河衝塞侵齧金隄以竹籠石葦葺土而為過近趙一清定本過作塌壞隄無已功消億萬請以濱河郡徒疏山采石壘以為郭功業既就徭役用息未詳譚校曰玉海二十一卷引此文無未詳二字疑衍案趙本作辛未二字詔書許誨立功府鄉趙本鄉作卿是規基經始詔滎加命譚校曰滎疑作策遷在沈州乃簡朱

漢石例卷之五

三

軒授使司馬登令續茂前緒稱遂休功登以伊洛合注大河南則緣山東過天在回流北岸其勢鬱濤怒滯急激疾一有決溢彌原淹野蟻孔之變害起不測於是伐石三谷水匠致治立激岸側以捍鴻波隨時慶賜說以勸之川無滯越水土通演役未踰年而功程有畢故遂刊石記功垂示于後使河隄謁者山陽東昏趙本昏作緡司馬登字伯志云云水經注濟水一漢靈帝建武四年於敖城西北壘石為門以過渠口謂之石門石此注上文云銘云建武四年十一月黃場石也而主吏姓名磨滅不可復識

隸釋廣漢太守沈子琚縣竹江堰碑有管里姓名年月不及工程文多

闕碑云嘉平五年五月辛酉朔一日辛酉縣廿縣南口川口宮口黃令安定樊君諱口云云廣漢太守穎川長豐縣沈君諱口字子琚縣廿云碑末縣丞徒為屬國王卿諱口字季河云云

書修橋梁管里姓名年月工程例

洛陽建春門石橋柱銘陽嘉四年乙酉王申詔書以城下漕渠東通河濟南引江淮方貢委輸所由而至使中謁者魏郡清澗馬憲監作石橋梁柱

敦教工匠盡要妙之巧攢立重石累高周距橋工路博流通萬里云云河
南尹邛崇懷丞渤海重合雙福云云三月起作八月畢成水經注

洛陽伽藍記建春門外穀水東入陽渠石檻橋橋有四柱在道南銘云

漢陽嘉四年將作大匠馬憲造遠我孝昌三年按孝昌魏明帝紀年大雨頽橋柱

始埋没道北二柱至今猶存銜之按劉澄之山川古今記戴延之西征

記並云晉太康元年造此則失之遠矣

開通褒斜道石刻永平六年漢中郡以詔書受廣漢蜀郡巴郡徙二千六
百九十人開通褒余道太守鉅鹿鄧君部掾冶級王宏史荀茂張宇韓岑
等興工作太守丞廣漢楊顯將相用始作橋格六百二十三間大橋五爲
道二百五十八里郵亭驛置徒司空褒中縣褒中縣官寺並六十四所凡用功七
十六萬六千八百餘人瓦卅六萬八千八百四器用錢百四十九萬九千
四百餘斛粟九年四月成就益州東至京師去就安隱宋吳褒釋文按
釋文開通褒余道

漢石例卷之五

四

開字道字闕治級誤治級等與誤弟典丞下廣漢二字闕將相誤將
隕今據金石萃編所摹碑文補正又案瓦字當有誤今無文以正之

兩漢金石記曰鄧君不著其名廣韻漢有東海太守鄧熙古今姓氏書

辨證云因官居焉望出東海者也橋格卽橋閣字然閣字本非其義格

則枝架之名此格字當爲正也案余卽斜隱卽穩不言者人所皆知

首書倡修隄堰人次及繼修人末復書倡修繼修同修及作銘人例

滎口石門碑惟陽嘉三年二月丁丑使河隄謁者王誨云云詔滎築之加

命遷在沈州乃簡朱軒授使司馬登云云碑末使河隄謁者山陽東昏司

馬登字伯志代東萊曲成王誨字孟堅河內太守守城向豹字伯尹丞汝

南鄧方字德山懷令劉丞字季意河隄掾匠等造陳留浚儀邊韶字孝先

頌石銘水經注

首書倡修橋梁人其同修者碑文三見末及義工義徒例

蜀郡屬國辛李二君造橋碑碑首刻二人冠帶相向橫書蜀郡屬國明府

潁川陽翟辛君字通達卿榘爲子君字仲曾□□碑文惟延嘉龍在甲辰三月甲子造此榘橋五月甲午竟領道楊□荷杜仁領道楊瓌云云又領道杜沂楊瓌作榘橋梁帥爾徒屯待事楊□□守古荷賊曹掾杜仁云云碑末領道闕漢嘉楊瓌字□□云云義工云云義徒云云釋

書修門闕爵里姓名年月工程例

西嶽石闕銘永和元年五月癸丑朔六日戊午宏農太守常山元氏張勳爲西嶽華山作石闕高二丈二尺金石錄案此不入嶽廟石闕題詞例者以彼例所錄太室銘稱頌嶽神此但書立闕爵里姓名年月工程故別爲此例

金石錄曰永和漢順帝晉穆帝姚泓皆有此號穆帝時華陰不屬晉以此碑字畫驗之恐非姚泓時蓋漢刻也

書修道路爵里姓名年月工程例

蜀郡太守何君閣道碑蜀郡太守平陵何君遣掾臨叩劄將徒治道造

漢石例卷之五

尊榘閭表五十五丈用功千一百九十八日建武中元二年六月就釋

青衣尉趙孟麟羊寶道碑羊寶道舊故危險回遠百姓患苦永初六年青

衣尉南安趙孟麟更易由此道時典主通道者積谿故吏梁汜捕盜賊王

留永元十一月九日造同

何君不書名字趙君不書名尊之也然後世無聞焉羊寶道碑有年月

無工程者文不備有僅書年月日及工師里姓名者隸續劉讓閣道

題字是也題字云建寧元年十月上旬工榘爲武陽劉讓造其文太略不可爲例

書修道路爵里姓名及立碑人爵里姓名例

司隸校尉楊孟文石門頌故司隸校尉榘爲武陽楊君厥字孟文廢子由斯得其度經云云至建和二年仲冬上旬漢中太守榘爲武陽王升字稚紀勒石頌德以明厥勳云云隸

隸釋曰碑云司隸校尉楊君厥字孟文水經及歐趙皆謂之楊厥碑楊

淮神云司隸校尉楊君厥諱淮字伯邳大司隸孟文之元孫也始知兩碑皆以厥爲語助此乃后政頌其勲德故尊而字之不稱其名自注華陽國志楊君名渙案此碑不書名若非華陽國志則其名終沒故碑文不書名非也

書修道路爵里姓名渾書立碑人不載爵里姓名例

武都太守李翕西狹頌漢武都太守漢陽阿陽李君諱翕字伯都云云郡西狹中道危難阻峻勅衡官有秩李瑾掾仇審因常繇道徒鐸燒破析刻召確覓行人懼怖乃刊斯石云云

隸釋

李翕析里橋郁閣頌太守漢陽阿陽李君諱翕字伯都云云乃俾衡官掾下辨仇審改解危殆卽便求隱析里大橋於今乃造臣□□勒石示後云云

同上

碑首書表字末書記字例

漢石例卷之五

六

廣漢長王君治石路碑表長廣漢王君建和二年冬任掾楊□攻治破壞功夫九百餘日成就通達永傳億歲無窮記

隸釋

隸釋曰碑以表字題其上漢書溝洫志武帝穿漕渠令齊人水工徐伯

表注謂巡行而表記之與此同意案隸釋所云是也史記夏本紀行山

表木索隱云立爲表記

陳君立曰案說文木部榮字注云槎識也从木

作榮訓爲槎識正與立木表道之義相發明故夏本紀行山表木即書之隨山榮木也皆古文家說鄭孔訓爲刊除夫九州山木多矣恐刊之不勝刊也

恭曷曰表記卽表識魯峻碑博覽

呂氏春秋察今篇判人羣書無物不榮廣雅記栗志識也可證陳說

欲龔宋使人先表灑水灑水暴溢荆人弗知循表而夜涉秦始皇紀表

南山之顛以爲闕又立石東海上胸界中以爲秦東門正義引三輔舊

事云始皇表河以爲秦東門表泧以爲秦西門越世家勾踐表會稽山

以爲范蠡封邑漢書息夫躬傳躬立表欲穿長安城引漕東方朔傳詔

中尉左右內史表屬縣草田西域傳辛武賢將兵至敦煌遣使者案行

表穿卑鞮侯井以西欲通渠轉穀積此皆表記之證也掣經室集釋鄧表啜曰詛文表上衣也从衣从毛古者衣裘以毛爲表荀子儒效後漢蓋勳馬援傳注表標也呂覽慎小注表柱也禮記檀弓內則注表明也周禮大司馬爲表注表所以識正行列也荀子大畧注表標志也後漢書劉祐傳注表標準也管子君臣上注表謂以木爲標有所告示也漢書淮南厲王傳注表者樹木爲之若柱形也呂覽不屈云或操表掇以善瞻望注表掇儀度又云揚州古銅盤銘曰用大蔽散邑廼卽散用田竟竟自瀘洮以南至于大沽一表以降二表又曰表于單道表于原道表于周道以東表于野東疆石還表于竟竟導以南表于郤萊導以西至于堆莫竟竟井邑田云云觀此可見古人以表立田地疆界之事周禮虞人萊所田之野爲表百步則一爲三表又五十步爲一表又曰及表乃止此可見古人闕軍以表爲界之事又云表乃井田間分界之木

漢石例卷之五

七

也左傳襄二十五年傳表澗鹵賈逵注云澗鹵之地九夫爲表國語周語單襄公云周制有之曰列樹以表道章注表識也案此則表乃分界之木所以表明遠近土功所興必先立表功成刊石表識以示後人故以表字冠首以其立石疆界與古表同也

碑首用維字末用主字例

南安長王君平鄉道碑維平鄉明高大道云云闕王前南長方主

碑首用維字此訓誥體凡碑文通例也廟碑則樊毅修華嶽廟碑

和元年云云東海相桓君海廟碑云金石錄元年云墓碑則謁者景

君墓表碑云惟元初祝長嚴訢碑碑云惟漢平輿令薛君碑碑云惟延

云碑文首皆用惟字惟維一也碑末用主字凡道路碑通例也蜀郡太

守何君閣道碑碑云道史任雲隸釋司隸校尉楊孟文石門頌碑云五官掾

季南屬襄中量漢疆宇產伯書碑文末皆用主字言主治此道羊寶道

佐西成王戒字文寶主

同上碑文末皆用主字言主治此道羊寶道

碑所謂典主通道是也

金器銘亦有此稱傳古圖載漢大官壺銘考工令史由丞或令通主又綬和壺銘掾臨主謂主

製此器者

書家產例

金廣延母徐氏紀產碑元和元年五月中旬金廣延母自傷紀考妣徐氏元初產永壽元年出門託軀金掾季本云云男恭口字子肅年十八闕收從孫卽廣延立以爲後年十八娶婦徐氏弱冠任闕終歿五內摧碎云云季本平生素以奴婢田地分與季子雖直各有丘域蓄積消滅責負奔亡及歸故主三分屋一才得廿一萬六百供竟闕故文進升地一畝直五萬五千云云故口子叔地一畝直闕云云隸釋

隸釋曰徐氏歸于季本有男曰恭字子肅早終立從孫廣延爲後廣延又復不祿雖直似是季本庶孽不肖子分以訾產居之于外者徐氏老而廣延死故又析其財慮雖直爲媿姪之害也廣延雖非嫡長而事親

漢石例卷之五

久卽世新故徐氏舍子肅而稱廣延母也 案廣延爲季本嗣孫子肅

嗣子徐氏乃廣延祖母而碑稱母蔡中郎集郡掾史張元祠堂碑云掾

孫翻尋原祚之所由而至於此先考積善之餘慶陰德之陽報又云於

惟我考允廸懿德案翻稱祖考曰考廣延稱祖母曰母皆非禮也叙中

未錄碑文因復識於此

書宅舍例

鄭子真字舍殘碑闕所居宅舍一區直百萬故鄭子真地中起舍一區作

錢闕故鄭子真舍中起舍一區七萬故潘蓋樓舍并二區十一闕故呂子

近樓一區五萬故像樓舍一區二萬五千闕扶母舍一區萬二千闕鳳樓

一區三萬闕車舍一區萬闕奉樓一區二萬闕子信舍一區萬隸釋

隸釋曰凡宅舍十有二區其八有辭語有歲月云平四年上存四點必

熹平也官吏有郎中及賊曹隸豫史又有左都字彥和及胡恩胡陽陳

景等姓名似是官爲檢校之文其中有宅舍奴婢財物之句其云妻無適嗣又云未知財事其前有爲後二字則知旋立嬰孺爲嗣也其云精魂未藏而有怨上有一字從女當是其母則知其親物故未久也未云春秋之義五遜爲首所以戒其宗姓或女兄弟之類息爭室訟也

表孝行例

都鄉孝子嚴舉碑末延熹七年五月辛未朔十一日辛巳臨江長愷丞杜謂都口言孝子嚴舉爲父行喪服制踰禮追恩慕義口表門閭有書賢明宰卿闕應風生是以天口仁人孝弟之至通洞神祇蓋淑口賞則庶民勸今口書到口口勉加勞來以究言如詔書續

石碑末所載長丞旌表之文也漢代旌表用闕後漢書安帝紀表門閭旌顯厥行李賢注旌表者若今樹闕而顯之用扁百官志凡有孝子順孫貞女義婦讓財救患及學士爲民法式者皆扁表其門亦用碑漢書龔勝傳後世刻石表其里門後漢書滄子恭傳刻石表閭是也隸續曰

漢石例卷之五

嚴舉碑有文有頌又有亂十六句蓋嚴舉之父仕至郡守三女無男以舉爲後舉能和顏奉親送終盡孝母氏年老事繼若真德刑州里官表門閭弟子共爲立碑隸續所言約碑文

表軍功例

封燕然山銘惟永元元年秋七月有漢元舅曰車騎將軍竇憲寅亮聖皇登翼王室納于大麓惟清緝熙乃與執金吾耿秉述職巡禦治毛本治作避諱所改今據文選作治兵于朔方云云乃遂封山刊石昭銘上德其辭云云後漢書實融傳

敦煌太守紀功碑惟漢永和二年八月敦煌太守雲中裴岑將郡侯三千人誅呼衍王等斬馘部衆克敵全師除西域之災蠲四郡之害邊竟艾安振威到此立德祠以表萬世金石萃編

舊有立石今始刊詞揭於碑陰例

東海廟碑陰闕者秦始皇所立名之秦東門闕事在史記隸釋

隸釋曰永壽元年東海相南陽君崇飾殿宇厥後山陽滿君爲作碑頌別有數句載秦東門事乃頌所謂倚傾之闕者也碑錄胸山有秦始皇碑云漢東海相任恭修祠刻於碑陰似此任君當又在滿君後

舊碑已壞改刻新石仍用舊文例

丹陽太守郭旻碑昔君卽世雖立碑頌裁足載字加有瑕口君之弟故太尉薨歸塋舊陵於是從子故五原太守鴻議郎口及胤孫口懷祖之德乃更刻石不改舊文蓋用昭明祖勲金石錄 隸續載此碑瑕下乃股字卽下乃柔字孫下乃范字

舊碑已壞改刊新石不用舊文例

西嶽華山廟碑自是以來百有餘年有事西巡輒過亭同祭然其所立碑

石刻紀時事文字摩滅莫能存識延熹四年七月甲子宏農太守安國亭侯汝南袁逢乃案經傳所載原本所由銘勒斯石垂之于後隸釋

有舊碑雖未壞而不合式改刊新石者山陽麟鳳瑞像碑碑云永建元年季秋七月

漢石例卷之五

十

饗時山陽太守河內孫君見碑不合禮
隸續造新刻瑞像麟鳳 隸續碑圖

附錄於此不更爲例

兩人共立一碑例

碑額漢故益州刺史中山相薛君巴郡太守宗正卿成平侯相劉君碑隸

金石錄曰碑已斷裂其額尚全古無兩人共立一碑惟見於此隸續曰碑有祭死者及薛劉征討字殆是紀述平寇之事趙氏誤以爲墓刻故云古無兩人共立一碑者又以劉君爲成平侯相詳其額初無相字蓋王子侯也

碑首橫書蜀郡屬國明府潁川陽翟辛君字通達卿權爲李君字仲曾口

口口前見

前一碑趙以爲墓碑洪以爲紀軍功碑未知孰是後一碑則造橋碑也故墓碑廟碑碑額中不載此例然其爲兩人共碑無疑也因特標爲例

一碑載兩人碑詞例

張公神碑惟和平元年正月□□朝歌長鄭柳造闕張公建闕良闕之山
運置碁陽刊鑿琢磨立左右闕表神道闕豎碑廟堂之前到五月□□乃
成長□□之銘勒神懿光祕後昆其辭曰於穆張公舍和泰清云云監黎
陽營謁者李君畏敬公靈好鄭長文徹奉佐工悃愾勤闕吏□□□熹
且惶作歌九章達李君闕頌公德芳其辭曰碁水湯湯揚清波云云釋
隸釋曰朝歌長鄭柳為張公建闕作碑銘勒神懿監黎陽營謁者李君
好鄭之文既微俸佐工又作歌九章刻之石案碑文吏字下云作歌九
章達李君云云當是李君
屬吏所作洪氏
謂李君自作非案墓碑亦有此例水經注清水篇西鄂縣南有張平
子墓碑文是崔瑗之辭盛宏之郭仲產並云夏侯孝若薄其文復刊碑
陰為銘然碑陰二銘乃是崔子玉及陳翕耳而非孝若悉是隸二首並
存以銘文不載故不錄

漢石例卷之五

一碑載兩事例

司隸校尉楊孟文石門頌故司隸校尉楊君厥字孟文廢子由斯得其度
經云云至建和二年漢中太守榘為武楊王升字稚紀勒石頌德以明厥
勲云云碑末王府君閔谷道口難分置六部道橋特遣行丞事西成輔服
字顯公都督掾南鄭魏整字伯玉後遣趙誦字公梁案察中曹卓行造作
石積云云釋隸

楊孟文通斜谷石門王升立碑頌德此一事王升又造作石積此又一
事當是立碑時撰文者附書於後 前例張公神碑當入廟碑例此碑
當入道路碑例而不入者以其為變例且亦通例

神位祚几刻石例

四皓神位神祚几刻石四錄石 圈公神坐角里先生神坐圈公神祚机綺

里李神祚机釋隸

當有八石神坐神祚凡各四趙氏洪氏祇得其四耳金石錄曰顏師古
匡謬正俗引圖稱陳留風俗傳自序云園公之後園公爲秦博士避地
南山漢祖聘之不就惠太子卽位以園公爲司徒自園公至稱十一世
按班固述四皓但有園公非園公也云當秦之時避地入商洛深山則
不爲博士明矣又漢初不置司徒安得以園公爲之乎稱之說實爲鄙
野余嘗疑稱著書自述其世系不應妄誕如此及得四皓刻石見其所
書亦爲園公乃知稱所述果非臆說至謂園公爲秦博士及惠帝時拜
司徒疑無所據

神位栢捲刻石例

五君栢梓文大老君西海君東海君真人君仙人君隸

隸續曰黃伯思詩注宮中有方石上列圓穴五楯穴九俗謂之九卯石
側各有題記曰大老君真人君仙人君東海君西海君字與漢人隸法

漢石例卷之五

三

同其穴殊無刊刻之跡乃漢世所作以祠真仙圓者代梓橢者代栢就
石爲之若窪尊之類

墳壇石例

墳壇刻石一云上谷府卿墳壇一云祝其縣卿墳壇金石錄盧氏見會
行

金石錄曰墳壇刻石二皆居攝二年三月造其曰墳壇者古未有土木

像故爲壇祀之兩漢時皆如此土木像兩漢已有但非壑於墳壇趙氏
爲偶人以象天神與之博則殷時已開其端國語范蠡考曰史記帝乙
寫其形而祀之國策宋玉偃鑄諸侯之象使侍屏周則并有鑄金者孟
子策秦王曰宋玉無道魂亦云像設魏文侯曰吾所學者乃土梗耳秦
蘇代止之曰汝殘矣土偶曰吾西岸之土也射其面也孟嘗君將入秦
八月雨降則汝殘矣土偶曰吾西岸之土也射其面也孟嘗君將入秦
木刻戰國時皆已有之又韓非子託桓桓削之道莫如大目莫如小
鼻大可小不可大也目小可大不可小也此又壑像之秘訣至
佛像自漢武擊休屠始得其祭天金人以歸然則佛像本用金鑄其後

有月土木者則轉徙入中
國後以中國之法爲之耳
案古人墳與墓別稱墳不稱墓稱墓不稱
墳周禮春官序冢人注冢曰土爲丘墳象冢而爲之疏其職云以簡
知禮記云適墓不登纛聚土爲纛故兼之案此則冢也丘也封也墳也
墳稱爾雅山頂曰冢故土象冢而爲之案此則冢也丘也封也墳也
墳也一也冢如山頂曰冢故土象冢而爲之案此則冢也丘也封也墳也
河墳是也冢人疏引春秋緯云天子墳高三仞諸侯半之大夫三尺士
四尺庶人無墳此墳之制也若然封與墳同而諸引法云墓謂北域今
之封也土之高者曰墳封又與墓同者墓在墳上墳亦封也
之故曰封坐非墓名封也又序官墓大夫注墓家坐之地孝子所思慕
之處疏其職云掌先邦墓之地域令國民族葬是掌萬民之墓地也不
云冢云墓者禮記云凡邦墓之地域令國民族葬是掌萬民之墓地也不
而云墓據此則土以上稱墳庶人稱墓周制也
禮冢人注漢律曰列侯墳高四丈關內侯以下至庶人各有差是也因
以墳統名墓漢以後史傳所載諸墓皆墳也而以墓旁封土之壇別
名墳水經注泓水篇漢安邑長尹儉墓東塚西有石廟又清水篇張平
子墓東側墳有張平子碑是也水經注清水篇獲嘉縣故城西有漢柱
城北五六里得漢太尉橋元墓冢東有廟墓與冢並言墓碑立於墓前
冢即墳壇也從事武梁碑云前設壇祀後建祠堂是也

漢石例卷之五

壇碑立於墳上張平子墓碑立於壇上蓋壇無別碑因以墓碑樹之然
墓與壇自是二處其稱卿者隸釋曰卿者應劭所云大縣有丞左右尉
所謂命卿三人乃上谷府丞祝其丞也又曰隸刻有武開明碑終於吳
郡府丞其子榮碑書吳郡府卿漢人蓋稱其丞爲卿案隸釋蜀郡屬國
辛李二君造橋碑蜀郡屬國明府頴川陽翟辛君字通達卿健爲李君
字仲曾廣漢太守沈子琚縣竹江堰碑縣丞健爲屬國王卿諱口字季
河隸續南安長王君平鄉道碑丞汁加王卿尉縣竹楊卿是丞尉皆稱
卿

廟壇石例

陳仲弓壇碑額題故太丘長頴川陳君壇金石錄隸釋曰篆額頴下闕
闕者頴下是川又一字當是許額碑文君諱寔字仲躬云云隸釋曰
題郡邑猶劉曜東平無鹽之比
隸釋曰壇廟中之壇段光爲孫叔敖立廟作碑其文云興祀立壇是也

蔡中郎凡作陳君三碑其第一碑云許令以下至于國人立廟舊邑則知太邱有此碑勒 案周制有廟壇無墳壇祭法曰天下有王分地建國置都立邑設廟祧壇墼而祭之又曰去祧爲壇去壇爲墼注封土曰壇除地曰墼書曰三壇同墼 徐君彙曰馬融書注云壇土堂蔡邕獨斷與鄭注封土除地義別說文壇祭場也場祭神道也不云有屋說文壇野土也詩東門之墼毛傳墼除地町町者不聞築高鄭注爲長 此知壇在廟中其碑有額有詞與墓碑廟碑例同若墳壇用二石分書官爵則用墓闕例與此異 後漢書光武紀於是命有司窆壇場於鄗南千秋亭五成陌卽皇帝位李賢注水經注曰 馮龍所造碑文未載無以知其體例附注於此

漢石例卷之五

漢石例卷六

實應劉寶楠錄

總例

碑文隔圈例

嵩嶽太室石闕銘○惟中□□云云○潁川太守京兆杜陵朱寵云云石

兩漢金石記曰前銘句後系官名各以一圈標置於首亦金石文所罕見

碑文空字例

樊安碑詔下空二字書年月隸續碑式

侯成碑銘後空五字書夫人卒同上

開母碑石闕銘重曰空二字金石萃編

空字書年月者別異於碑文也空字書夫人者附錄也空字書重曰者

漢石例卷之六

一

斷章也據隸續漢碑皆有穿穿處皆空字此不在空字之例隸續又言郭究碑銘詞規步履方之上虛一字般阮神碑末行空九字有一人題名又空三字楊厥碑厥當作煥高祖受命垂筆甚長所侵兩字許又空兩字方書其下一句雍勸關銘第一重首行及第四五行七字餘皆虛其下一字案楊厥碑命字垂筆侵兩字故復空兩字句皆四言使之相齊雍勸關銘三行七字餘行皆虛一字則句有短長字有多寡不能畫一故也其餘無故空字意如隸續所載周憬碑陰空行以避石之裂路耶

碑文出格例

孔廟卒史孔龢碑制曰可高出一字隸續碑式下同

袁逢修華山廟碑高祖太宗孝武仲宗並別行高出一字樊毅修華廟碑高祖應道出碑

此同

華山亭碑皇帝永思高出一字謁者景若碑皇帝轉高出三曹騰碑皇太

后及先帝高出一字

韓勅後碑皇漢高出一字

劉寬碑天子閔悼高出一字

案碑文推尊本朝以明臣子之敬其高出碑文宜也隸續載韓勅前碑

皇戲統華胥高出一字皇戲即伏羲此猶為尊敬古皇之義錢氏金石文跋尾云

自皇戲統華胥而下五十二句句皆四言獨皇戲句五言而皇字特跳上一格書之殊不可解竊意此字後人妄加王氏懷祖漢隸拾遺云錢

說是也原碑皇字出格至隸釋則與各行平列矣兩漢金石記乃謂皇字筆法與前後正合非後人妄加則是不論行之高下句之短長而但

以其筆法相似遂定為真迹獨不思此碑皇字凡四見後人固能依仿而偽之乎案錢氏王氏並以皇字為疑此不知尊敬古皇特跳一格之

例孫叔敖碑最後一行書年月高出一字則非禮之敬矣至于楊震碑

陰陔姓者十二人惟公玉子舉上官祖信成君巖三川宣口四人各高

出其列一字楊著碑陰陔姓者五人獨相里文調高出一字右三人沛

君生亦高出一字此何說也桐栢廟碑末有兩行題侍祠官屬以春秋

漢石例卷之六

二字各題本行之上並屬不經故悉不錄

碑文提行例

楊厥碑厥當作澳高祖受命平闕隸續下及注同

右推尊本朝提行以見敬楊統碑孝順皇帝老子銘皇上曹騰碑陰制

曰蔡湛碑聖朝史晨饗孔廟碑朝廷等字皆提行是也凡碑文別有提

行如遇皇帝制詔等字當出格以明臣子之恭韓勅後碑皇漢高出一

字孔聖平闕尊君敬師二者交盡是也許君宗寅曰魯峻碑事帝則如忠帝王字提行亦尊君之義

別無提行即以提行為推尊之義不定出格掣經室三集釋宋戴公戈文云戈之內有字二行一

按王字提行推尊本朝也此制周已然

華山亭碑西嶽至尊平闕

右提行以尊神孫叔敖廟碑陰相君有三嗣平闕亦尊神之義

韓勅後碑孔聖平闕

右提行以尊聖史晨饗孔廟碑昔在仲尼別作行此斷章非尊聖

山陽太守祝睦後碑祝君平闕此墓碑也咸伯著碑前五行叙其先世至叙君分別作行馮緄碑將軍體清守約將軍平闕略同若北海相景君碑屢稱明府獨伏惟明府一句明府字平闕不可解

李翕郿閣頌太守漢陽李平闕此德政碑也校官碑深陽長潘君別作行廟碑袁府君及京兆尹皆平闕廣漢長王君平闕例略同若袁逢修華山守平闕此推尊祭廟修廟之官用德政碑例也

右提行以尊所敬

孔廟卒史孔龢碑讚曰平闕

右斷章提行北海相景君碑亂曰楊渙碑序曰李翊夫人碑歎曰並提行又李翕郿閣頌頌後又有詩並別行

孔廟卒史孔龢碑兩元嘉三年及永興元年皆平闕司徒司空府亦平闕右案牘提行史晨饗孔廟碑兩尚書字平闕例略同 陔餘叢考曰凡

奏事遇至尊必高其字於衆行之上蓋自古已然魏志景元元年詔尊

漢石例卷之六

崇燕王之禮凡奏事上書稱燕王者皆上平可見古時凡稱君上高出本文之上今日上平蓋另行起而與本文相平以殺於天子之式爾案高出本文即出格另行起而上平即提行

碑文空行例

度尚碑文十五行空三行刻立碑年月隸續下及注同

右碑文已了空行書年月帝堯碑逢童子碑空一行書年月例同

綏民校尉熊君碑文十七行財及碑之半其後空數行書文春事又空一行書杜暉事末行書年月及碑師姓名與杜暉相隔亦數行

右碑文附載二人事如史之附傳故空行以別之

馮緄碑文十四行後空三行書威宗得諡之因

右碑文附載他事亦空行別之

羊寶道碑前有文六行空一行後有文九行崖石有裂路文避石裂故字

數不等

右空行避裂路蔡湛碑文十三行空一行方刻銘又空一行低二十三
字刻年月續書除并州事周憬碑陰上一列二十三人下一列前空七
行所題者八人又空六行刻工師姓名其亦石有癡瑕與

碑文低行例

劉寬碑末行低數字書門生商苞等姓名及注同

楊渙碑文後一行低二字書趙邵等三人姓名末行低七字書魏伯玉徒

官

李翕西狹頌末有小字題名二行低四字許

廣漢長王君碑末行低四字書立石人名

低行有二義一以見碑文已了一以見卑者賤者當謙下若蔡湛碑低
二十三字刻年月度尚碑低十三字刻年月逢童子碑低二十許字刻

漢石例卷之六

四

年月字少不滿行故也不在低行之例

重字旁註二字例

司隸校尉楊孟文石門頌清涼調和烝二艾寧又君德明二熒煥彌光又
無偏蕩二真雅以方又垂流億載世二嘆誦又勤二竭誠榮名休麗隸釋

石門頌又云中遭元二西夷唐殘隸釋曰鄧騰傳元二之災注云元二
即元元也古書字當再讀者即於上字之下為小二字言此字當兩度言
之後人不曉遂讀為元二或全之陽九或附之百六良由不悟致斯乖舛
岐州石鼓銘凡重言者皆為二字明驗也趙氏云此碑有曰中遭元二西
戎虐殘橋梁斷絕若讀為元不成文理疑當時自有此語漢注未必然
碑字按漢刻如北海相景君及李翕夫人碑凡重文皆以小二字贅其下此
碑有烝烝明明蕩蕩世世勤勤亦不再出上一字然非若元元遂書為大
二字也又孔耽碑云遭元二轍柯人相食若作元元下文不應又言人

民漢注之非明矣王充論衡云今上嗣位元二之間嘉德布流三年帝
紀所書建初三年以後龍芝甘露五年芝復生六年黃龍見大小凡八章帝
在二年十一月則此傳所云元初元年夏涼部叛羗搖蕩西州帝紀班師

案隸釋考證甚精確恐後人仍以為重字故附錄其說

北海相景君銘元二鯨寡蒙祐以寧又再命虎將綬元二兮

李翊夫人碑疇匹號兮嗚呼二又魂魄孤兮獨歎二又嗟日遐兮適省二

重句旁註二點例

故民吳仲山碑奈何釋

鐘鼎文凡子子孫孫叠字或作二點或旁注小二字見博古圖諸書文

多不錄該餘叢考曰凡重字下者可作二畫始於石鼓文重字皆二畫

也後人襲之因作二點今并有作一點者孔氏廣森經學危言召南委

蛇蛇案古書遇重讀者每于各字下疊小二石鼓文君子員攸員攸胡

旂即書作君子員二攸二員旂宋書樂志載諸樂府辭皆如是若秋胡

行云願二登二泰二華二山二神二人二共二遊二遊二乃重讀願登

泰華山神人共遊遊二句也此詩舊本似亦作委二蛇二故沈重誤讀

耳案作二點始見於秦刻擘經室三集秦琅邪臺石刻拓本跋云碑所

存者首行五夫二三字二行五夫二楊穆五字十行史夫二臣德昧死

言臣九字是也

漢石例卷之六

元儒先生婁壽碑詞曰皇矣先生懷德惟明云云釋

綏民校尉熊君碑詞曰赫赫熊君遷基口字云云釋

司徒掾梁休碑詞曰口口文允垂棘云云釋

銘詞稱詞常例也然各碑皆作辭說文詞意內而言外也釋名詞嗣也

今撰善言相續嗣也是詞爲正字辭爲假借爰錄三碑以示例焉

銘詞稱銘例

司隸校尉魯峻碑銘曰巉巖山岳礪落彰較云云釋

恭冕曰較與較同廣雅較明也

封邛令王元賓碑銘曰於穆王君穹天生德云云釋

銘義見墓碑例

銘詞稱誄例

北海相景君銘誄曰伏惟明府受質自天云云釋

誅義見德政碑例

銘詞稱歎例

李翊夫人碑歎曰陰陽分兮鐘律滋星月列兮有四時云云釋

說文嘆吞歎也一曰太息也歎吟也段氏注曰嘆歎二字今人通用毛

詩中兩體錯出依說文則義異歎近於喜嘆近於哀故嘆訓吞歎吞其

歎而不能發太息別一義與喟義同樂記一唱而三歎有遺音者矣又

云長言之不足故嗟歎之嗟歎之不足故不知手之舞之足之蹈之喟

然歎曰皆是歎字檀弓曰戚斯嘆嘆斯辨詩云而無永嘆慨其嘆矣嗚

我寤嘆皆是嘆字案嘆歎對文則別如說文及段氏所引是也散文則

通如此碑及祝長巖訢碑見卷一碑文是也劉向九歎序云歎者傷也

息也言屈原放在山澤猶傷念君歎息無已此歎可通嘆之證

銘詞稱頌例

漢石例卷之六

文烈侯楊公碑頌曰巍巍聖猷匪師不昭云云蔡中郎集

此墓碑也中郎集劉鎮南碑交阯都尉胡夫人黃氏神誥太傅胡公夫

人靈表隸釋冀州刺史王純碑幽州刺史朱龜碑益州太守高頤碑隸

續成臯令任伯嗣碑並稱頌

東海廟碑頌曰浩浩倉海百川之宗云云隸釋

此廟碑也隸釋三公山碑梁相孔耽神祠碑並稱頌

李翕析里橋郁閣頌頌曰□□□□降茲惠君云云同上

此德政碑也頌義見墓碑例 叙文亦稱頌山陽太守祝睦後碑是頌

伊余祝君兆自黎辛又曰鄭有祝聘者君其脗也云云 隸釋 不別為例

銘詞稱讚例

孔廟置百石孔龢碑讚曰巍巍大聖赫赫彌章隸釋

讚義見墓碑例

銘詞稱敘例

溧陽長潘乾校官碑敘曰翼翼聖慈惠我藎蒸云云隸釋

敘義見德政碑例

銘用三言例

國三老袁良碑飛清邈紛其厲云云隸釋

山陽太守祝睦碑懿我君國之光云云後碑銘文

竹邑侯相張壽碑亮元德於我君云云

隸釋郎中馬江碑北軍中候郭仲奇碑圜令趙君碑相府小史夏堪碑

隸續司徒掾梁休碑冀州從事郭君碑銘文並三言不備錄

銘用六言例

太傅胡公夫人靈表頌曰悲母氏之不永懷殷恤以摧傷云云蔡中郎集

銘用七言例

漢石例卷之六

張公神碑棊水湯湯揚清波東疏口折口于河云云隸釋

此廟碑也梁相孔耽神祠頌銘文亦七言不具錄

桂陽太守周憬功勳銘乾山剖兮建兩儀剛柔分兮有險夷云云

此德政碑也

冀州從事張表碑於穆君兮煥流芳闡洪軌兮休烈彰云云

此墓碑也李翊夫人碑銘文亦七言見前

銘用長短句例

緩民校尉熊君碑追敘君兮懷純精名稱於州里兮樞機發動執忠貞兮

溷亂而不惑云云隸釋

益州太守無名碑仲尼去魯兮君子失路喪賢君兮與誰想云云同上

此用楚詞體也有四言銘文忽接入長短句者議郎胡公夫人哀讚讚

悉予小子夙罹孔艱云云疾大漸以危童幼胡根碑碑云於惟仲原應

亟兮精微而浸哀云云蔡中郎集氣激靈云云惜繁

華之方畦兮望嚴霜李翁折里橋那閣頌頌云□□□□降茲惠君云
而洞零云云同上案銘詞用四言常例也間有三言六言七
山崔嵬兮水流蕩蕩云云其例同隸釋案銘詞用四言常例也間有三言六言七

言長短句爰著爲例獨無五言蓋五言似銘非銘似詩非詩故不用冀
州從事張表碑皆四言韻語末四句五言堂邑令費鳳碑後載施業

戚忠竭力送終之事皆五言費鳳別碑先敘世系歷官繼以韻語六十
句其三句六言餘皆五言並見隸釋非正例也不錄

銘詞分章例

張公神碑作歌九章頌公德芳其辭曰菘水湯湯揚清波云云見前九章相接各字空一

酸棗令劉熊碑詩三章其辭曰清和穆鑠實惟乾以云云隸釋三章皆提行
案銘詞皆一章如頌體此則如風雅體特著爲例

銘後書亂曰例

漢石例卷之六

北海相景君銘誄曰伏惟明府受質自天云云爵曰考積幽窆□□□
云云隸

此墓碑也巴郡太守樊敏碑益州太守無名碑同

巴郡屬國辛通達李仲曾造橋碑辭曰□□我邦乾几垂極云云亂曰□
□我君明且□兮云云同上營建碑此

都鄉孝子嚴舉碑頌□□□□爰曜隆赫云云亂曰休哉休哉□□君□
云云隸續表碑此

國語閔馬父曰昔正考父校商之名頌十二篇於周太師以那爲首其
輯之亂曰自古在昔先民有作温恭朝夕執事有恪案此則樂之卒章

名亂史記孔子世家關雎之亂以爲風始是也關雎葛覃卷耳燕禮鄉飲酒禮合樂時方歌此爲首章故云亂爲始楚詞離騷經及九章中之涉江哀郢抽思懷沙

四篇篇末並有亂曰宋玉以後騷賦家競做其體延及漢末碑刻亦然

王氏逸注離騷曰亂理也所以發理詞指總撮其要也屈原舒肆憤懣極意陳詞或去或留文采紛華然後結括一言以明所趣之意也章氏昭注國語曰凡作篇章義既成撮其大要以爲亂辭詩者歌也所以節舞者也如今三節舞矣曲終乃更變章亂節故謂之亂也

銘後書重曰例

洪氏與祖楚詞遠遊篇重曰補注重直用切

開母廟石闕銘□□□□□□百川云云以上銘文重曰□□□□□德洋

溢而溥優云云

金石文字記

楚詞遠遊重曰春秋忽其不淹兮奚久留此故居云云王氏注憤懣未盡復陳辭也洪氏離騷經補注離騷有亂有重亂者總理一賦之終重者情志未申更作賦也金石文字記曰石闕銘重曰二字出楚詞遠遊篇所謂言之不足而長言之也井叔語以爲重日而云是年月一行按此一行今存六字二年之下重曰之上空石未鐫益明其非紀日矣漢

漢石例卷之六

九

書班倜侗自悼賦文選潘岳寡婦賦亦竝用重曰二字

銘後書敘曰例

司隸校尉楊孟文石門頌辭曰君德明二炳煥彌光云云序曰明哉仁知

豫識難易云云

隸釋

銘詞稱敘已見前此於銘後復稱敘曰者孔子贊易在本經之後詩書序史記漢書序傳亦在全書之後此用其例也案銘後稱亂稱重稱敘猶例之正也孝廉柳敏碑故孝廉柳君云云其體乃敘厥辭曰惟斯柳君云云其體乃銘末用嗚呼懷哉二句又似誄辭曰山陵元室□斯邦兮云云又似銘文無定則不可爲法

國號上加大字例

史晨饗孔廟後碑大漢延期彌歷億萬

隸釋下同

綏民校尉熊君碑大漢龍興□舉鄉□

光祿勳劉曜碑天臨大漢錫呂明節

吉成侯州輔碑大漢典制有恩澤之封

司馬相如封禪文揚雄解嘲河東賦班固兩都賦張衡東京賦馬融廣

成頌稱大漢又漢書賈讓奏言見溝洫志淮南王安上書見本傳後漢書和熹

鄧皇后紀岑彭耿弇祭遵耿純竇憲杜林朱浮張純曹褒鄭興陳寵班

超王符張皓蔡邕左雄李固段熲杜篤謝夷吾諸傳皆稱大漢西南夷

傳載白狼王唐菽等詩亦稱大漢蓋夷夏通稱也亦稱盛漢見後漢書楊敞傳

國號上加皇字例

韓勅修孔廟後碑皇漢帝元永壽三年隸釋

皇之為大帝訓也班固西都賦蓋聞皇漢之初經營也皇漢即大漢

國號上加聖字例

桐柏廟碑位比諸侯聖漢所尊隸釋下同

漢石例卷之六

太尉劉寬碑聖漢王侯繼次有國有號

太尉楊震碑聖漢龍興楊熹佐命趙相劉衡碑亦云聖漢龍興

開母廟石闕銘第七行□□□亨亨上是聖漢禋三字王氏懷祖曰聖

漢二字雖模糊而可辨禋字左邊尚存右邊聖字上半模糊而下半分

明亨即亨字 漢書賈捐之陳湯平當揚雄王莽後漢書隗囂桓譚郎

顛班彪陳寵盧放諸傳並稱聖漢案光武七年詔曰其上書者不得言

聖則聖漢乃漢人臨文之常言也陳寵當章帝時上書已稱聖蓋光武

詔自是謙德臣下上書稱聖禮固應爾亦稱聖朝隸釋樊毅復華下民

租田口筭碑誠聖朝勞神日昃稟長蔡湛頌聖朝明哲冀州刺史王純

碑聖朝嘉君後漢書朱雲傳稱聖朝亦稱聖帝廣漢太守沈子瑄縣竹江堰碑聖

帝明明是也亦稱聖朝漢書藝文志

國號上加神字例

周府君碑額神漢桂陽太守周府君功勳之紀銘釋

神漢猶聖漢

書四時天名例

文翁石柱記漢初平五年夏天季月集古錄錄釋作益州太守高朕修學有漢時所建舊屋柱皆正上方上狹下闊此記在柱上刻之錄釋亦云此記刻于東南之一柱亦木爾歐陽氏以為文翁石柱記者誤

爾雅秋為夏天毛詩黍離傳仁覆閔下則稱夏天然則夏天者對春夏冬言則為秋天之名散則天之通稱也

書太歲例

逢童碑歲在協給其後題光和四年四月五日丁卯立金石錄又巴造案協汁給洽古通

殺阮君神祠碑迄光和四年作詔之歲以作噩為作詔出漢書天文志錄釋下同桂陽太守周憬功勳銘於是熹平三年歲在攝提

漢石例卷之六

堂邑令費鳳碑惟熹平六年歲俗於大荒續冀州從事郭君碑君年卅申瞻留而終案光和二年歲癸丑則大荒較必非大荒落絨月二字亦不可解附誌俟攷以光和二年大荒較紙月戊

右書歲名案書歲名必繫以年代或碑末補書年代隸釋載李翊夫人碑曰歲在大淵獻碑文既不繫年代碑末又不補書年代不可為例

武氏石闕銘建和元年太歲在丁亥金石錄隸釋敦煌長史武瑛碑同

金鄉長侯成碑建寧二年歲在巳酉又夫人以延熹七年歲在甲辰云云隸釋下同

司隸從事郭究碑中平元年歲在甲子隸釋綏民校尉熊君碑建安二十一年太歲丙申

右書干支隸釋載戚伯著碑云歲在丁亥前後俱無年月洪氏推較以為建武或章和案碑後闕文其有年月與否無以明之若本無年月則亦撰文者不知體例故也日知錄曰甲至癸為十日日為陽寅至

丑爲十二辰辰爲陰此二十二名古人用以紀日不以紀歲歲則自有闕逢至昭陽十名爲歲陽攝提格至赤奮若十二名爲歲名後人謂甲子歲癸亥歲非古也自漢以前初不假借史記歷書太初元年年名焉卽闕逢攝提格月名畢聚日得甲子夜半朔旦冬至其辨晰如此若呂氏春秋序意篇維秦八年歲在涪灘秋甲子朔賈誼鵬賦單闕之歲今四月孟夏庚子日斜兮鵬集予舍許氏說文後敘粵在永元困頓之年孟陬之月朔日甲子亦皆用歲陽歲名不與日同之證漢書郊祀歌天馬徠執徐時謂武帝太初四年歲在庚辰兵誅大宛也又曰歲之稱甲子也借也自亡新始也王莽下書言始建國五年歲在壽星填在明堂倉龍癸酉德在中宮又言天鳳七年歲在大梁龍集庚辰厥明年歲在實沈倉龍辛巳隋書律曆志王莽銅權銘曰歲在大梁龍集戊辰又曰龍在己巳歲次實沈是也自此後漢書張純傳言攝提之歲倉龍甲寅

漢石例卷之六

三

朱穆傳言明年丁亥之歲荀悅漢紀言漢元年實乙未也曹娥碑亦云元嘉元年青龍在辛卯蜀郡造橋碑云維延熹龍在甲辰而張角詔言蒼天已死黃天當立歲在甲子天下大吉以白土書京城寺門及州郡官府皆作甲子字矣案顧氏謂干支紀年始於亡新非也王氏予中白田草堂存稿曰書詩春秋傳國語戰國策其紀年雖不以甲子而亦無有以闕逢攝提格爲歲名者惟呂氏春秋有歲在涪灘賈誼鵬賦有單闕之歲之語疑出於戰國時星家別爲之名故史記歷書以是紀年而他紀傳則略無所見甲子歷術篇與天官書亦有不同而漢志所書亦小異則爾雅所云已不盡可據況爾雅博士立於王莽時王莽最爲慕古而其下書云癸酉云庚辰云辛巳不以歲陽歲名則可知古之不以歲陽歲名紀歲也索隱謂爾雅近代之作故與史漢志有不同者則不知古人紀歲從爾雅所云乎抑從史漢志乎爾雅亦有月陽月名史歷

書歲名闕逢攝提格月名畢聚固一例也可謂古人以月陽月名紀月乎古人簡質紀年但以一二數而不及甲子且爾雅云太歲在甲曰闕逢太歲在寅曰攝提格則是先有甲子乙丑而後別爲之名不知古人何以支贅若此乎以顧氏之博學而所引據止呂氏春秋賈誼賦及許叔重說文後敘亦可知前之一無所據矣又黃帝素問亦戰國之書其論運氣則以甲子紀年不以歲陽歲名蓋不可以一二數故變而從甲子則固不始於王莽也而謂古人必以歲陽歲名紀年豈其然乎案王氏謂干支紀年不始於莽是也至於月名紀月古人有之國語至於元月隸釋益州太守城垣碑至于元月本此是春秋時以月名紀月也楚詞離騷云攝提貞於孟陬兮是戰國時以歲名月名紀月也歲陽歲名月陽月名當是一時所制後人紀歲或用歲名或用干支初無定例淮南子天文訓云攝提格之歲單闕之歲執徐之歲大荒落之歲敦牂之歲協洽之歲涒灘

漢石例卷之六

三

之歲作鄂之歲掩茂之歲大淵獻之歲困敦之歲赤奮若之歲此以歲名紀年也又云淮南元年冬太一在丙子錢氏塘補注武帝太初元年太歲在丙子淮南王安以文帝十六年自阜陵侯進封是年下距太初元年六十算則太歲亦在丙子矣名太一爲太歲從其本名太一在丙子卽闕逢攝提格之歲又云太陰元始建于甲寅錢氏補注此太陰在闕逢攝提格之歲非太歲也此太陰紀年之義錢氏以太歲太陰爲二無異與廣雅異而干支紀年說此以干支紀年也陔餘叢考曰爾雅太歲在甲曰闕逢乙曰旃蒙

在寅曰攝提格卯曰單闕雖有闕逢等名而曰在甲在乙是未嘗不以紀歲又曰律曆志有太歲在子太歲在丑之文則以之紀歲矣建子建丑建寅之異其朔則以之紀月矣漢書五行志有日加巳日加未之語則以之紀時矣此皆在新莽以前不得謂自莽始也蓋干支之義所該者廣甲子與攝提格之類字雖異而義本同古人恐年月日時易混故

分別紀之其實一也 邵氏晉涵爾雅正義曰爾雅所釋歲名卽春官馮相氏掌十有二歲之位也十二歲爲一終合歲陽於歲名終十二歲者五積歲六十是謂一周爾雅所謂月名卽馮相氏所掌十有二月之位也合月陽於月名亦六十而一周至於自甲至癸馮相氏所掌十日之位也自寅至丑馮相氏所掌十有二辰之位也十日十二辰數窮六十周則更始六六相乘準以敘歲古者紀歲紀月各有定名所以驗天行之轉也故歲陽歲名月陽月名次之

書倉龍例

韓明府修孔子廟禮器碑永壽二年青龍在涪灘集古錄

外黃令高彪碑光和七年龍在困敦碑末惟中平二年龍旂奮若釋

山陽麟鳳瑞像碑漢盛德中興卽政二年辛酉之部首歷六十麟青龍起

蟬爾雅注單闕音丹過一音蟬媽永建二年歲在丁卯故此碑用蟬媽字蟬與媽同 隸續

漢石例卷之六

石書歲名

曹娥碑以漢安迄于元嘉元年青龍在辛卯古文苑

文翁石柱記漢初平五年倉龍甲戌顏有意謂獻帝無初平五年當是興號不通故仍稱舊號也今檢范氏漢書本紀初平五年正月改爲興平顏諒是也 集古錄

荊州刺史度尚碑永康元年龍集丁未釋

蜀郡屬國辛通達李仲曾造橋碑惟延熹龍在甲辰同上

石書干支 倉龍卽太歲廣雅釋天青龍天一太陰太歲也王氏疏證

曰爾雅太歲在寅曰攝提格淮南子天文訓太陰在寅歲名曰攝提格

開元占經歲星占篇引許慎注云太陰謂太歲也天文訓又云天神之

貴者莫貴於青龍或曰天一或曰太陰太平御覽引尚書考靈耀青龍

甲寅攝提格孳鄭注云青龍歲也歲卽太歲周官保章氏十有二歲之

相鄭注云歲謂太歲歲星爲陽右行於天太歲爲陰左行於地十二歲

而小周是也或曰攝提開元占經歲星占引甘氏云攝提格之歲攝提
在寅歲星在丑是也青龍或曰倉龍漢書王莽傳歲在壽星倉龍癸酉
服虔注云倉龍太歲是也太陰或曰歲陰史記天官書云攝提格歲歲
陰左行在寅歲星右轉居丑是也錢氏淮南子天文訓補注云青龍
天一太陰皆謂陰德也入卯宮故曰青龍此青龍非太歲又云周禮保
章氏注歲星爲陽右行于天太歲爲陰左行于地十二歲而小周鄭所
謂陰據太歲對歲星言之尚非謂歲陰既太歲歲星行有左右則與斗
建日躔無異故樂說云歲星與日常應太歲月建以見謂歲星與日同
次之月其斗所建之辰常有太歲也古人視歲星以知太歲因以太歲
名年爾雅太歲在甲曰闕逢在寅曰攝提格是也至西漢時復因太歲
而知歲陰命其時所謂顛頊歷上元爲太歲甲寅推前三百三十八算
而得太陰甲寅于六十干支後三十八算于十二辰則後二算必三百

漢石例卷之六

五

三十八算者略以五星通率推得之其氣朔則正月朔旦啟蟄也故天
官書曰攝提格歲歲陰左行在寅歲星右轉居丑丑爲星紀日月五星
于是始故治曆者必用此爲十二次之首卽以爲歲陰在攝提格之歲
其太歲則在子是以孝武太初元年太歲在丙子而詔以爲復得焉逢
攝提格之歲蓋用歲陰名也小司馬不知其義謂史漢歷法不同誤矣
歲星在丑歲陰在寅則歲星在子歲陰在卯歲星在酉歲陰在午可知
由是一左一右周行十二辰淮南由太陰以推歲星義正同也案錢氏
辨論本於錢氏大昕潛研堂集而高郵王文簡經義述聞太歲考以太
歲太陰天一攝提青龍爲一其說甚核俟更詳之

書星次例

樊毅修華嶽廟碑惟光元年歲在戊午名曰咸池

集古錄 隸釋古文苑作西嶽華山亭碑

古文苑戊午作戊子

隸釋曰淮南子論天之四宮曰咸池者水魚之囿天官書云西宮咸池曰天五潢奎婁胃昂畢觜參居之敦辨歲歲星以五月與胃昂畢晨出東方名曰天津蓋三宿在西宮之中而歲星以午年舍其分故以咸池爲名所云天津者亦取五潢之意淮南又以斗杓爲小歲咸池爲大歲而謂其每歲自卯逆行四仲卽陰陽家所推以忌乘航者是也許祭酒注云咸池星名水魚天神蓋經星隨璇璣之運不可離其次者周流四仲當是其神爾故晉志又曰咸池魚圍也案晉書志天文上云五車五星三柱九星在畢北其中五星曰天潢天潢南三星曰咸池魚圍也隋書志天文上畧同又云咸池明有龍墮死猛獸及狼害人若兵起淮南天文訓曰正月建寅月從左行十二辰咸池爲太歲二月建卯月從右行四仲終而復始錢氏補注曰淮南有兩太歲此太歲非太一也或說太當爲大然義則同咸池直參參主斬伐咸池在其上故不可向太史

漢石例卷之六

六

公曰西宮咸池猶言西宮白虎也唐會要載九宮貴神天蓬星太乙坎轅震木碧天軸星招搖異木緣天禽星天符中土黃天心星青龍乾東金白天柱星咸池兌金赤天任星太陰艮土白天黃星天心星離火紫東方朔七諫云哀人事之不幸兮屬天命而委之咸池亦以咸池爲凶神咸池所建當以日所在定之正月日在亥加時酉則咸池在午二月日在戌加時巳則咸池在卯三月日在酉加時丑則咸池在子四月日在申加時酉則咸池在酉以此差次夏三月加時如春三月秋冬亦然而寅午戌之月咸池常在午亥卯未之月咸池常在卯巳酉丑之月咸池常在酉申子辰之月咸池常在子所以然者咸池屬金巳酉丑三時亦金也故必以其時居于四正而其月自以木火金水爲類不相凌越也錢氏潛研堂文集問淮南以咸池爲太歲與它書所言太歲又異何故曰淮南書云斗杓爲小歲咸池爲大歲又云大時者咸池也小時者月建也咸池與月建大小相對初未嘗指咸池爲太歲其作太歲者後

人轉馮之譌吳斗南兩漢刊誤謂淮南不名天一爲太歲又自以咸池名之則南宋本已誤 又與梁燿北論史記書咸池本兼五潢五車三柱而言故云天五潢又云五帝車舍其匡衛甚廣因以表西方諸宿淮南天文訓咸池者水魚之圃也又云斗杓爲小歲咸池爲大歲蓋斗爲帝車咸池亦以五車爲匡衛皆有運行之象故指其所建以定四時天潢之義與咸池同潢卽池也後人析爲數名以三小星當咸池失其義矣史公以紫宮房心權衡咸池虛危爲天之五官豈專指三小星而言哉 又養新錄曰歲在子卯午酉則歲所直之月正當咸池之位如卯年卯月咸池在卯午年午月咸池在午酉年酉月咸池在酉子年子月咸池在子故名曰咸池也咸池太歲與斗杓小歲相對洪氏謂歲星以午年舍其分故以咸池爲名此則誤會史記之意史記所謂歲陰在午歲星居酉者謂太陰在午非太歲在午也若太歲在午則歲星當以五

漢石例卷之六

月與東井輿鬼晨出東方與咸池無涉矣

祝長嚴訢碑和平元年歲治東宮星屬角房月建朱鳥金石

荆州刺史度尚碑永康元年歲在鶉尾釋隸

外黃令高彪碑惟中平二年月次星紀同上

日知錄曰春秋之世各國皆自紀其年或參互而不易曉有舉歲星而言若歲五及鶉火歲及大梁歲在姬訢之口也案周亦用星次紀時不但列國爲然周語伶州鳩曰昔武王伐殷歲在鶉火月在天駟日在析木之津辰在斗柄星在天璣星與日辰之位皆在北維古人以星次紀時其詳如此

書月律例

祝長嚴訢碑月建朱鳥中呂之均金石

堂邑令費君碑无射之月同上

律中中呂者夏正四月律中無射者夏正九月均卽韻字所謂律中也
月令鄭注云律候氣之管以銅爲之中猶應也謂吹灰也正義蔡邕云
以法爲室三重戶閉塗費必周密布緹縵室中以木爲案每律各一案
內庫外高從其方位加律其上以葭灰實其端其月氣至則灰飛而管
通如蔡所云則是爲十二月律布室內十二辰若其月氣至則其辰之
管灰飛而管空也然則十二律各當其灰斜埋地下入地處庫出地處
高故云內庫外高黃鐘之管理於子位上頭嚮南以外諸管推之可悉
知

書朔例

修西嶽廟復民賦碑光和二年十二月庚午朔十三日壬午集古錄又唐君碑光和六年二月壬午朔二十五日丙午
西嶽石闕銘永和元年五月癸丑朔六日戊午金石錄又武氏石闕銘建和元年三月庚戌朔四

漢石例卷之六

六

日癸丑又禹廟碑光和二年十二月丙子朔十九日甲子

孔廟置守廟百石孔龕碑元嘉三年三月丙子朔廿七日壬寅又永興元
年六月甲辰朔十八日辛酉隸釋又魯相史晨祠孔廟奏銘建寧二年
蘇竹江堰碑熹平五年五月辛酉朔一日辛酉又緩民校尉熊君碑見後

吳氏仁傑兩漢刊誤補遺曰三王世家並載諸臣奏疏其著朔可爲後

世法程曰三月戊申朔乙亥御史臣光守尚書令丞非下御史書到言

丞相臣青翟御史大夫臣湯云云昧死上言臣請立臣閔臣且臣胥爲
諸侯王云云制曰可四月戊寅朔癸卯御史大夫湯下丞相丞相下中

二千石二千石下郡守諸侯相丞前言戊申朔則乙亥爲二十五日矣
前言戊寅朔則癸卯爲二十六日矣中興以後有司失其傳如先聖廟

碑載三月丙子朔二十七日壬寅修西嶽廟碑載十二月庚午朔十三
日壬午烏有知朔爲丙子庚午而不知壬寅壬午爲二十七日十三日

者哉斯近贅矣今世碑記祭文踵先漢故事可也 日知錄曰今人謂日多曰日子日者初一初二之類是也子者甲子乙丑之類是也周禮職內注曰若言某月某日某甲詔書或言甲或言子一也文選陳琳檄吳將校部曲文年月朔日子李周翰注曰子發檄時也漢人未有稱夜半爲子時者誤矣古人文字年月之下必繫以朔必言朔之第幾日而又繫之干支故曰朔日子也又曰漢人之文有卽朔之日而必重書一曰者江堰碑朔一日辛酉熊君碑朔一日丙寅此則繁而無用不若後人之簡矣 處士嚴發殘碑云戊申朔五日癸丑隸續載此碑而解之曰召誥云戊午社于新邑越七日甲子是從戊至甲爲七日畢命云六月庚午朏越三日壬申亦是從朏至壬爲三日西漢律歷志引逸書粵五日乙卯亦然惟武成云丁未祀于周廟越三日庚戌則是祀廟之後三日去丁而不數與召畢二篇立文不同此碑正用武成句法案嚴發碑去戊不數別爲五日雖用武成句法然非正例不錄

漢石例卷之六

五

書閏例

太傅安樂侯胡公夫人靈表建寧三年薨其閏月附于太夫人

蔡中郎集

無名碑光和四年閏月庚申

集古錄金石錄曰

案此卽敬仲碑集古錄重見誤其額云漢揚州刺史敬君之銘

日知錄曰通鑑書閏月而不著其爲何月謂做春秋之法非也春秋時閏未有不在歲終者自太初歷行每月皆可置閏若不著其爲何月或上月無事則後之讀者必費於追尋矣新唐書亦然惟高宗顯慶二年正月無事乃書曰閏正月壬寅如洛陽宮案春秋時置閏不定在歲終錢氏大昕閏月說云先王之正時也履端於始舉正於中歸餘於終所謂歸餘者謂有餘日則歸之於終積而爲閏非歲終之謂也何以言之春秋經傳書閏月者九襄九年閏月杜氏謂門五日之訛其餘八閏惟成十七年閏月昭二十二年閏月傳文上有十二月其在歲終無疑若

文六年閏月不告朔傳在冬十一月之後則未知其在十一月與十二月與僖七年閏月惠王崩哀五年閏月葬齊景公哀十五年閏月渾良夫與太子入經傳皆有冬字則未知其在十月與十一月與十二月與文元年閏在三月昭二十年閏月殺宣姜傳文上有八月下有十月故孔氏以爲閏在八月後此兩閏不在歲終傳有明文也然則春秋何以譏閏三月曰漢志文公元年閏餘十三閏當在十一月後而在三月故傳曰非禮此據三統厯言之也杜預云於法閏當在僖公末年誤於今年置閏此據長厯言之也漢志謂失之前杜氏謂失之後兩說不同要非以其不在歲終而譏之也然則秦漢何以書後九月曰此秦法非古法也秦法應置閏者置之歲末漢初猶因之蓋傳會左氏歸餘於終之文而失之者也謂爲秦法有徵乎曰漢人固言之矣續漢志延光二年尚書令終上奏謂漢祖受命因秦之紀十月爲年首閏常在歲終不

漢石例卷之六

十

稽先代違於帝典是也孫氏星衍閏月古不在歲終辨云宣城梅氏云考古以歲終置閏爲合定時以無中氣置閏爲安云云案無中氣置閏卽是古法古無歲終置閏術也左傳襄二十七年十一月日有食之辰在申司厯過也再失閏矣漢書律厯志辰者日月之會而建所指也孟康注辰謂斗建杜預注謂斗建指申周十一月今九月斗當建戌而在申是古視斗柄正閏之據又哀十二年十二月螽仲尼曰火伏而後蟄者畢今火猶西流可厯過也杜預注火星在卯度火西卽卯加酉卯加酉則辰加申子加午中星爲虛是古視中星卽知斗柄之證周書閏月無中氣斗指二辰之間王肅注虞書亦云斗之所建是爲中氣日月所在斗指兩辰之間無中氣故以爲閏也據此二說則顧氏謂春秋時閏未有不在歲終誤也閏不在歲終而不書月數自是作史之體顧氏駁

之非也史記呂后孝景紀秦楚之際月表高祖功臣年表建元以來侯者年表王子侯年表並稱後九月沿秦制文穎所謂時律歷廢不知閏謂之後九月是也置閏以後則書閏月不書月數建元以來侯者年表元封元年閏月徐廣曰閏四月是也兩漢書帝紀天文志漢書王子侯表下景武功臣表百官公卿表下後漢書五行志閏月皆不書月數惟王子侯表樂平侯訢下云閏六月壬午封此則誤衍六字不得執此以變全書之例也後漢書郎顛傳詣闕拜章曰臣竊見去年閏十月十月己丑此則封事宜詳明與紀載體別又案金石同例博古圖載漢書言府弩機銘云延光三年閏月亦閏月不書月數之證

書廿書卅書卅字例

孔廟置守廟百石孔龢碑元嘉三年三月廿十

同日云云

隸釋下同

右書廿隸釋老子銘無極山碑青衣尉趙孟麟羊竇道碑溧陽長潘乾

漢石例卷之六

三

校官碑敦煌長史武斑碑郎中鄭固碑中常侍樊安碑冀州刺史王純碑司隸從事郭究碑小黃門譙敏碑圍令趙君碑緩民校尉熊君碑高陽令楊著碑成陽令唐扶頌費亭侯曹騰碑陰金廣延母徐氏紀產碑益州太守城垣碑隸續防東尉司馬季德碑建平縣碑武都太守李翕天井道碑司隸校尉楊准碑韓勅孔廟後碑陰博士題字黃龍甘露碑真道家地碑斥彰長田君斷碑並同

無極山碑在西南卅里云云

右書卅隸釋梁相孔耽神祠碑郎中馬江碑費鳳別碑緩民校尉熊君碑國三老袁良碑車騎將軍馮緄碑執金吾丞武榮碑隸續漢安長陳君閣道碑繁長張禪等題名封邱令王元賓碑延年益壽柳題字並同孔廟置守廟百石孔龢碑選其年卅以上經通一藝云云

右書卅隸釋梁相孔耽神祠碑郎中鄭固碑議郎元賓碑郎中馬江碑

博陵太守孔彪碑趙相雍勸闕金廣延母徐氏紀產碑隸續膠東令王君廟門斷碑冀州從事郭君碑堵陽長劉子山斷碑並同案說文十部云廿二十并也古文省多禹下云廿古文疾童下云廿古文以爲疾卅部云卅三十并也古文省惟卅字未收然林部云叢無豐也从林爽爽或說規模字從大卅卅數之積也說文本文俱則是說文已有此字段氏說文注曰省多者省作二十兩字爲一字也考工記程長倍之四尺者二十分寸之一謂之枚本於二字爲句絕故書十與上二合爲廿此可證周時凡言二十可作廿也古文廿仍讀二十兩字秦碑小篆則維廿六年廿九年卅有七年皆讀一字以合四言廿之讀如入卅之讀如鞞皆自反也至唐石經二十皆作廿三十皆作卅則仍讀爲二十三三十矣顧氏金石文字記唐石經卅二十字皆作卅三十字皆作卅案古詩記秦始皇刻石如廿有六年雜卅九年卅有七年卅象不見於本書未則當如卅字卅字今改經文而爲卅卅字非矣

漢石例卷之六

部桂下曰卅又用卅字漢石經論語年卅見惡焉是卅爲四十并猶廿爲二十并卅爲三十并也其音則廣韻先立切四十之合聲猶廿讀如入卅讀如鞞也廣韻引說文云數名卽此 惠氏棟左傳補注曰隱二年傳惠之二十四年唐石經廿四年下惠之三十年唐石經卅年此古文左氏傳本文也說文廿二十并卅三十并古文省說文所謂古文乃孔壁中文也蔡邕石經論語云卅而立又云年卅而見惡焉又云凡廿六章鐘鼎文如秦權微樂鼎二十字作卅石鼓文周陽侯鐘三十字作卅可爲左證案鐘鼎文書卅書卅尚不止此博古圖載漢孝成鼎汾陰宮鼎並書卅漢好時供厨鼎綏和壺並書卅廿亦或書十十見汾陰宮鼎

碑末書立碑年月朔日太歲例

綏民校尉熊君碑末建安廿一年十口月丙寅朔一日丙寅太歲丙申造

隸

有書年月日不及朔與太歲者武都太守李翁碑碑云建寧四年六月十三日王嶺造金

石鏡斥彭長碑碑云熹平六年十月九日辛酉造逢盛碑碑云光和四年四月五日丁卯立圍令趙君

碑碑云初平元年十二月二十八日立書年月旬不書日者巴郡太守

樊君碑碑云建安十年二月漢安長陳君閣道碑碑云永建五年孟春下旬隸續

書年月不書日者成陽靈臺碑碑云建寧五年五月造隸釋文有詳畧無義例也

碑末書立碑人爵里姓名字及年月日例

涇陽長潘乾校官碑末丞沛國銓趙勳字蔓伯云云時將作吏名戶曹掾

楊淮云云光和四年十月己丑朔廿一日己酉造隸釋

官書里書字吏不書里書字卑者略之也 有書立碑人爵里姓名字

及立碑年者白石神君碑碑云光和六年常山相南陽馮巡字季祖云云隸釋

書立碑爵里姓名及立碑年月日者武都太守耿勳碑碑云熹平三年四月廿日壬戌西部道橋下辨李禮造隸

漢石例卷之六

續書立碑爵里姓名及立碑年月日外黃令高彪碑碑云惟中平二年龍

守廬江龍舒范府不名者尊之不字者卑之月日不備者略之

君云云隸釋碑末碑陰書立碑人姓名不書名例

殘碑陰王伯鄉趙仲方云云集古錄

太尉楊震碑陰河間賈伯綺博陵劉顯祖云云上

魯相韓勅造孔廟禮器碑末故涿郡太守魯廡次公故會稽太守魯傳世

起故樂安相魯廡季公云云碑陰河南成臯蘇漢明河南維陽李申伯云

云隸釋秦碑陰曲成侯王壽書名

童子逢盛碑陰五官掾崔孟祖云云上

元儒先生婁壽碑陰故五官掾婁口守長史掾夏光淵云云上

高陽令楊著碑陰口口孫甫口鉅鹿時稚明云云汝南陳萬昌云云上

冀州刺史王純碑陰東平馮定伯云云隸續隸續曰漢人題名間有數人稱字全碑不名者楊震楊著王

純喪壽
四碑

司隸校尉魯峻碑陰文臺郝仲軍云云

上同

蕩陰令張遷碑陰故安國長章叔珍云云

金石萃編案碑陰凡四十一人惟范巨范成華宣三人似書

命字有祇一字者三人當亦其字是也

隸釋曰漢人題名必書名字否則各有說也楊震碑陰孫定博諸人不

名者非其門生也逢盛碑陰崔孟祖數人不名者其父黨也題名於碑

勅碑左即碑末凡八人魯之二庶一傳不名者別守相之尊也

案此說韓皆已故當是齒德俱尊張納碑陰主簿白文已下不稱字者示其卑於

從事李元也案碑李元名字並見白文已下史晨後碑五官掾孔暢六人

不稱字者亦示其卑於長史李謙也孔暢等有名字並見韓勅碑左褒

成侯孔建壽爵齒俱尊而在子姓之間宜其不名餘人雖不見爵秩當

亦是一時耆老獨曲成侯王嵩一人不稱字豈爵雖襲而年尚穉者乎

漢石例卷之六

五

又曰楊著碑沛君沛相統也後公太尉秉也碑云靈應時雅明云云有後公門生汝南陳萬昌云

云右沛君門生沛君者著之從兄後公者著之季父非著之門王故不名案碑

陰書名字常例也其有單書名以示卑單書字以示尊如洪氏所言是

也然亦有卑賤者單書字隸釋載龍門禹廟題名宗季方云云洪氏據

趙氏以為龍門復民隸續載韓勅後碑陰孔子家下復民吳仲初云云

或書字或書小名洪氏謂皆羣小不當律令案尊卑不嫌同辭有以書

字尊其人有以書字略其人也

碑末書撰文寫碑刻碑人姓名例

李翁析里橋郝閣頌碑末從史位□□□字漢德為此頌故吏下辨□

□□子長書此頌時石師南□□□威明隸釋韓續曰李翁天井道碑題名從史位下辨仇靖字

漢德書文郝閣題名云從史位字漢德為此

頌中間姓名詞闕得此乃知前碑亦仇所作僅書馮碑刻碑人姓名不及撰文人者巴郡太守樊敏碑碑云石工劉盛息慎書

隸釋 隸續曰劉盛刻 南安長王君平鄉道碑 碑兼戶曹掾何童史

其石而歐子落筆也 案何童道與造此碑而繫以僅書撰文人者太尉橋元碑

回隸當是道與書古人文字簡質不分析 僅書撰文人者太尉橋元碑

碑云光和水經注此三碑之一 僅書寫碑人者敦煌長史武斑碑

作碑文尚書丞沛國蕭曹芝 宣成武令中山安惠曹种 豐令下邳

長成徐崇 故陳留府丞魯國魯 兩漢金石記曰小歐陽集古錄曰

伯允書此碑嚴祺字伯曾 隸釋 此文久矣據洪氏隸釋載是碑末云紀伯

允嚴祺字伯曾隸書今不見 此文久矣據洪氏隸釋載是碑末云紀伯

者紀伯允而非嚴祺紀伯允三字上有闕文或是口紀伯允紀是其名

碑末書立碑人先書爵次郡名次縣名次姓名字其末特書書此碑嚴

則書者嚴祺字伯允也 武都太守李翁天井道碑 碑云從史位下辨隸

續載此碑云揮翰遺詞皆斯人也 篆碑言書文不言撰文遺詞人不定

碑文之載無以知其體式故不錄 僅書刻碑人者綏民校尉熊君碑

碑末書市石察書刻碑人姓名例 程福造 皆從略也

漢石例卷之六

西嶽華山廟碑末京兆尹勅監都水掾霸陵杜遷市石遺書佐新豐郭香

察書刻者潁川郡鄆公脩蘇張工 隸釋曰東漢循王莽之禁人無三名郭香察書者察位他人之書小歐

陽以爲郭香察所書非也金石文字記曰察書乃對上市石之文則香

者其名而特勘定此書者爾考之博古圖諸書有孝成鼎銘曰王褒

造 左丞輔人掾譚人守令史永人省 大官銅鐘曰考工令史古

承或人令通人主 太僕監掾蒼人省 古 案博古圖漢太官壺銘云

通主太僕 掾省綏和壺曰掾臨人主 古 案博古圖漢太官壺銘云

監掾省綏和壺曰掾臨人主 古 案博古圖漢太官壺銘云

人守令寶人省 上林鼎曰工史榆造 監工黃佐李負芻言省監

即察書之類也 掌經室三集漢延熹華嶺廟碑跋曰郭香察書或以爲

敬引徐季海浩古跡記今以後漢善蔡邑傳推之極帝時見常侍徐漢

左怡季五矣擅恣在桓帝延熹二年 監工黃佐李負芻言省監

延熹八年春棺以罪自殺度也此時始稍出遊入關故八年至華陰賜
太守書碑而郭香適奉京兆尹遣來察書因此相識或相交契靈帝嘉
平四年郭香爲大史治衙郎中馮光陳晃上言天元不正攻及郭香詔
下三府集議伯喈首發議題郭香四分爲非妄光晃議罪是伯喈與
郭香學術交遊之蹤蹟也

碑文左旋例

江原長進德碣君諱龍字進德故蜀郡江原長延熹二年工口孟彥造作

釋隸

隸釋曰碣文由左而右案博古圖周言肇鼎銘威君鼎銘仲馭父敦蓋
銘其文並左旋金石同例故碣文由左而右徐君熹曰薛氏欵識載君
季鼎方寶麟文皆左旋案薛氏書田季加匱翼師鯨文皆由左而右又
伯寶甫第三蓋文左旋器文右旋仲駒敦蓋文右旋器文左旋

碑文橫書例

處士金恭闕橫書處士金恭字子口

隸釋

漢石例卷之六

五

隸釋曰以墓碣及金廣延母碑參之知其字子肅此字橫刻隸續曰金
恭闕橫刻金君姓名次列一人執扇乘馬知是金君案橫書乃外夷書
體史記大宛列傳安息書草芴行以爲書記漢書音義曰橫行爲書記
史記索隱曰章昭云外夷書皆旁行徐君熹曰薛氏欵識載諸旅高及
張仲簠四器似亦橫書者

蜀郡屬國造橋碑碑首橫書蜀郡屬國明府潁川陽翟辛君字通達卿健
爲李君字仲曾口口口

隸釋

隸釋曰碑首刻二人冠帶相向而坐一器居中如豆登之狀後有二人
折腰低首雙垂其袖若胡舞者其上橫行有數字惟府卿明府四字不
毀二人之下又橫刻二十有六字仲曾下三字不可曉

碑陰有額例

太尉郭禧碑碑陰額故吏人名

金石錄

泰山都尉孔宙碑陰額門生故吏名隸釋

中部碑陰額中部碑同

司空宗俱碑陰額門生立碑人名隸釋

陳德碑陰額故門下史人名金石萃編

諸額皆直書其有橫書者隸續載尉氏令鄭季宣碑陰橫書尉氏處士故吏人名是也不別爲例 又白石神君碑陰額務城神君錢二萬云

見沈君壽常山貞石志 按出錢人亦稱神君此非禮也故不錄

碑陰標目例

王純碑陰首行自標云諸門生人名隸釋

額者書於碑文之上標目者卽碑文之首行與碑文平故別爲例

碑陰書立碑人錢數例

靈臺碑陰司徒掾仲選孟高出錢二千鉅鹿太守仲訢伯海出錢萬呂長

漢石例卷之六

仲球伯儀出錢三萬七千云隸釋下同

魯相韓勅造孔廟禮器碑頰川長社王元君真一百云云故涿郡太守魯

鹿次公五千云云

義井碑陰五大夫王口本二萬五大夫殷口本二萬云云

碑陰條列出錢立碑人爵里姓名字不書錢數此最得體然俗士捐財

急於自見不書錢數則樂輸者無以勸乃於漢碑中錄其書出錢若干

者書本若干者以示例餘不悉錄

碑陰書立碑出錢人子弟統於父兄例

太尉陳球碑陰故吏云云息口故吏云云息隸釋

右子統於父 隸釋曰此碑前二行特書兩人之事與他碑不同雖文字

漫滅其中皆有息字次行息之上又有早終字蓋謂一人者已卒所

出緡錢則其子也

靈臺碑陰義民陳彥弟富富弟贖出錢千釋

韓勅孔廟後碑陰故苦令任城李馥叔華弟郎中季華三千續

右弟統於兄

碑末既書出錢人姓名復於出錢人中稱美其好義樂輸者何

成陽靈臺碑陰惟仲阿東年在元冠幼有中質遵相蹈規上仁好義身

從無者代出錢萬以立碑大意翻然君子善之恩加骨口鄉朝所稱縣令

菅君即請署門下議生都市掾官未可測矣釋

碑陰末稱美工師例

成陽靈臺碑陰末仇福字仲淵累世同居州里稱術同慈孝大聖立祠時

令菅君欲造皇屋壁無來索忠良咸白福閭葵溢口口離口周理字立

口口口口嚴萌將作福更縣掾功曹府諸曹史府諸曹中

漢石刊卷之二

板存山東省城濟南府后宰門中間路北文友堂刻字舖

